



Larunbateko atxiloketa eta espetxeratzeen aurrean

ELEAK-LIBRE MUGIMENDUA :: 15/03/2017

Salbuespen legediak eta epaitegiak bertan behera geratu behar dira. Aski da!

Iragan larunbatean, Iruñean burutu zen errepresioari autodefentsa manifestazioan burututako atxiloketa eta ondorengo espetxeratzeen aurrean, ELEAK-Libre mugimenduak ondorengo adierazten du:

- atxiloketa eta ondorengo espetxeratzeak gogor salatzen ditugu. Atxilotuekiko zein euren lagun eta senideekiko elkartasuna adieraztearekin batera.
- gazteen berehalako askatasuna exijitzen dugu.

Bost urte igaro dira jada Euskal Herrian jasaten dugun ageriko biolentzia politiko antolatu bakarra estatuarena eta administrazioarena dela. Azken urteetan tresna errepresibo berriak sortu badira ere, mozal legea edo kode penalaren erreforma kasu, ezin dugu ahaztu frankismotik gaur egunera garatu den armategi errepresiboak indarrean jarraitzen duela.

Horrela ikusi dugu Altsasuko kasuan, non 3 lagunek espetxean jarraitzen duten oraindik eta 8 epaiketaren zain dauden, edo Oreretako gazteen espetxeratzearekin. Horregatik, ezin gara konformatu gatazka armatuaren urteetan albuespen politikoa ezartzeko garatu ziren bitartekoak ez aplikatzearekin edota horiek malgutzearekin. Albuespen epaitegiak, legedi antiterrorista, inkomunikazioa... horiek guztiak ordenamendu juridikotik desagertu behar dira! Hauek desagertu ezean, albuespen legeak aplikatzeko arriskuan aurkituko gara.

Honekin batera, Iruñeko epaitegiak kasua Audientzia Nazionalera eramatea ere gogor salatu nahi dugu. Ezin dugu ahaztu, gure eskubide zibil eta politikoak behin eta berriz urratzen dituzten albuespen epaitegiak direla biak ala biak. Beraz, antolatu gaitezen gure eskubide zibil eta politikoen defentsan! Albuespen legeen aurka! LIBRE IZAN ARTE!

Albuespen legediak eta epaitegiak bertan behera geratu behar dira.
Aski da!

ELEAK-Libre mugimendua
2017ko Martxoaren 13an

<https://eh.lahaine.org/larunbateko-atxiloketa-eta-espetxeratzeen-aurrean>